



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1176. Usque Ad Annum 1203

Fleury, Claude

August. Vind. [u.a.], 1763

VD18 90118022

§. 24. Episcopi Germaniæ.

[urn:nbn:de:hbz:466:1-66394](https://nbn-resolving.org/urn:nbn:de:hbz:466:1-66394)

Sæcul. XII. tii, anno millesimo centesimo septuage-
A.C. 1179. simo tertio vita functi, cujus Scripta, non
 pauca, ad nos usque pervenerunt, ple-
 raque ad excitandam Fidelium pietatem
 idonea. Gualterii vero opera non fue-
 re typis edita, sed supersunt Manufscri-
 pti libri quatuor hoc Titulo: *Adversus*
Hæreses manifestas, & in Conciliis da-
mnatas, quas defendunt Sophistæ Abae-
lardus, Lombardus, Petrus Pictaviensis,
& Gilbertus Porretanus. Hos tres
 Franciæ Labyrinthos appellat, dicitque,
 ideo a vero aberrasse temerarios, quod
 Aristotelis Dialecticam secuti fuissent,
 atque Mysteria Trinitatis & Incarnatio-
 nis scholastica levitate pertractassent.
 Ceterum ex auctoritate Sacræ Scripturæ
 & SS. Patrum eos oppugnat.

§. XXIV.

Episcopi Germaniæ.

Arnold.
Chr. Slav. II
s. 28. **M**ultos viros Ecclesiasticos Schismati-
 cos ex Germania veniam obtinen-
 di spes ad Concilium Lateranense per-
 traxerat. Aduere Ecclesiæ Halbersta-
 diensis Clerici Monachique; eam enim
 ab unitate Ecclesiæ Catholicæ Gero Epi-
 scopus diviserat. Gratiam petentibus
 ignovit tamen Alexander Papa, quod
 Gero non ab Episcopo Schismatico, sed
 ab Hartwico Archiepiscopo Bremensi
 Catholico ordinatus fuisset. Itaque
 Clericis,

Clericis, a Gerone ordinatis, non solum ministeria sua obire, sed etiam ad altiores Ordines ascendere permissum, & ipsi Geroni Episcopali munere ubique fungendi licentia data. Christianus vero Archiepiscopus Moguntinus, & Philippus Coloniensis, abjurato schismate, Pallisque, quæ ab Antipapis acceperant, abjectis, nova ab Hiacyntho Cardinali sibi collata induerunt. Porro Balduinus, Archiepiscopus Bremensis, anno superiore millesimo centesimo septuagesimo octavo, illa die, qua tota si superstes mansisset ei per literas sententia depositionis suæ fuisset indicata, excessit e vita.

Sæcul. XII.
A.C. 1179.

Chro. Halb.
an. 1179.

* Verisimili-
ter Hartvici
Successor.

Sede igitur Bremensi vacante, Magister Bertoldus Episcopus eligitur, contra quam electionem solus Capituli Præpositus Ottoreclamavit. Bertoldus ad Concilium Lateranense venit, atque a Summo Pontifice ordinari petiit, quod sibi denegari posse, ne quidem suspicabatur. Sed cum prima die in Concilio nec invitatus nec Ordine Presbyteratus initiatus inter Episcopos confedisset, plurimos vehementer offenderat. Altera die quidam Scientiarum Magister, Gerardus nomine, cum Bertholdum in Summi Pontificis conspectum deduxisset, *Vir est, inquit, optimis moribus, artibus liberalibus, Sacræ Scripturæ lectio-*

Sæcul. XII. *ne, Decretorum & Legum scientia in-*
 A.C. 1179. *structus, denique omnium suffragiis e-*
 lectus. In fine addidit: *Is rogat te,*
Sancte Pater, ut eum bodie Presbyterum,
& cras Episcopum ordines. Cui Papa:
Credo, quæ dicis; sed Apostolus nos
 1. Tim. 5. 22. *monet: Manus cito nemini imposueris.*
Consulam Fratres meos, & electionis mo-
dum ad examen vocabimus. Cardinali-
bus deinde duobus, Legatos Ecclesiæ
Bremensis de peracta electione interro-
gantibus, non consentientia sed diversa
responderunt. Tum Papa in Consistorio
sententiam tulit in hunc modum: Fra-
tres mei! vidi Electum vestrum; non
babeo, quod reprehendam de ejus persona,
laudo scientiam, facundiam, moresque,
quantum mihi cogniti sunt. Sed electio-
nis ratio mihi non probatur; electus est,
necdum susceptis Sacris Ordinibus, &
ad huc gaudens libertate ducendi uxorem.
Præterea ad nos delatum est, Appellatio-
nem interjectam, & Appellantem ad si-
lendum fuisse compulsum. Electum ve-
strum voluisse & effecisse, ut secundo eli-
geretur, sicque primam electionem nullam
fuisse confessum. Tandem Sacris Ordi-
nibus non initiatum Investituram ab Im-
peratore accepisse. Quia igitur, tot adjun-
ctis contra Canones pugnantibus, dispen-
sare vix licet, electionem vestram cassam
esse & irritam declaramus. Ubi Ponti-
 fex

fex hæc elocutus est, Bertoldo ad ob- Sæcul. XII.
 cta respondere parante, qui a cubiculis A.C. 1179.
 Alexandri erant, exclamarunt vocibus
 Italicis: *Levate! andate, andate!* Sige-
 fridus postea Brandeburgensis Alberti
 Marchionis filius Archiepiscopus Bre-
 mensis electus est.

In eodem Concilio Lateranensi Papa *Halbstad.*
 duos Episcopos Anglos, duosque Scotos
 consecravit, quorum alter unum habens
 equum, alter pedibus cum uno itineris
 socio Romam venerat. Adfuit quoque
 aliquis ex Hibernia Episcopus, cujus o-
 pes universæ in lacte trium vaccarum
 sitæ erant; sed, earum mammis exaren-
 tibus, fideles Diocesani buculas subro-
 gabant. Præterea in hoc Concilio Ale-
 xander duos creavit Cardinales, Guiliel-
 mum Archiepiscopum Remensem, Re- *Roger.*
 gis Franciæ Cognatum, Tituli S. Sabinae, *Hoved.*
 & Henricum Abbatem Clarævallensem, *Chron.*
 postea Episcopum Albanensem. Fuerat *Claravall.*
 is Abbas in *Hautecombe*, unde Claram-
 vallem anno millesimo centesimo septua-
 gesimo sexto translatus est. Ipso dein-
 de ad Ordinem Cardinalium evecto,
 Petrus Abbas Igniacensis ad Insulam Cla-
 rævallensem gestandam vocatus.

§. XXV.

S. Laurentius Dublinensis.

In Concilio Lateranensi tandem Alexan- *vit. ap. Sur.*
 der 14. Nov.

F 3